

求恕齋
叢書

雪橋詩話續集

七

雪橋詩話續集卷第七

遼陽楊鍾義撰集

吳興劉承幹參校

歐陽礀東乾隆甲寅舉人詩凡十卷陶文毅以道光六年聚於淮陽其手定三卷鄧湘皋刻之沅湘耆舊集王益吾祭酒刪存爲二卷復爲傳一篇慶蕉園中丞山居春曉圖云玉河風暖朝初暾黃鸝三請窺春園蜿蜒細徑轉平麓中有謝傅城南墩先生廣廈庇萬里下指海徼難爲藩誰言揮斥八紜手戀此十畝藤蘿垣溪山檢點出豪末粉本妙入荆關門青楊之音白楊妥閭里近

接炊煙睂乃知至人寄物外出處不以形骸論簪纓豈
必異寒素跡所偶涉非心存東廳鴟尾高蹲蹲九重已
著新巢痕待公功成訪黃石會有虎魄生松根有灝氣
流轉含章內映之致律句如破屋夜涼知雨過空林鴟
噪有僧歸千點亂山縈象驛一痕殘雨下龍城五夜夢
回秋塞外一天霜在雁聲中嬾雲挂枝不肯去獨鶴穿
陰時自歸想見擗冠草履吟嘯自如後村詩劉季晚可
憐擊筑悲沛豐我老斷恐怕眠身等枯蓬砌東景風閣
詩洞口題名尙儼然後村詩句劇清妍休將擊筑憐劉
季未信枯蓬便自賢亦雋語也

蔣礪堂相國十齡入泮後四十八年檢得童試卷面浮
籤一紙裝冊徵詩金岱峰重游泮宮詩有輸與浮籤佳
話在玉堂爭和相公詩之句

丹徒張釜北郊酒樓呈年丈瘦生云惆悵公孫已白頭
興酣猶唱小梁州酒闌更話征西事落木蕭蕭萬里秋
瘦生名汝鄰雙峰從孫也釜尊人此亭秋夜凌江閣與
瘦生談往云征西往事不堪論淚點深宵劍有痕九夏
冰霜貞國士卅年塵土舊公孫綠車天上恩難再短褐
揚州道自尊一語請君重勘卻種瓜何必不青門瘦生
善畫此亭題其山水幅有如此古人真未遠董源半幅

在江南之句

蕭山王以除爲族弟南陔中丞題所藏醴泉銘云醴泉
翠墨半珠沈誰向慈仁寺市尋鑑古精嚴題北海

孫退谷跋

定爲宋拓傳家珍重抵南金規連架洩神光閟鐵畫銀鉤武

庫森莫愛家雞輕野鷺本來滴乳在山陰其論書法謂
香光論書貴奇宕瀟灑此爲神明變化者言耳學者當
履蹈規榦不得縱放昨臨星鳳本十三行悟率更誠懸
筆意武庫森嚴全本大令皆馮池有得之言

大興邵壽民司勳先世系出餘姚二雲學士其叔父行
嘗受業門下過二雲雙藤簃舊居有感云故廬重過輒

汎瀾幾爲中朝惜史官甲第人多徵辟少玉堂才易著
書難空傳絳帳流風遠猶臘藤花壓雪寒預恐花時倍
惆悵夕陽紅處儘誰看其已未正月十八日書事云一
掃雲霾蹟青陽歲萬重炎威初寂滅天罰尚寬容猶勝
然臍敗爭看繫頸從宏羊烹此日會使寢邊烽詔獄綸
屏去驚傳赤棒呼聞收大丞相如縛一庸奴北寺通侯
泣西曹法吏趨郤留吟句在解歎月輪孤彷彿黃頭餓
隨身無一簪苦依幽寺冷愁變畫堂深七尺珊瑚樹千
叢珠玉林粉侯仍賜宅故第不堪尋複壁金難揜重幃
玉亦殘生營石翁仲死斂白衣冠鈔豈同瓜蔓喪惟臘

柳棺淒涼蕭寺裏鬼火不禁寒未亡應亦族僥倖武安
侯專閭韓刀誤分茅帶礪優恩原推肺附功豈出兜鍪
竭末材尤下隨人作楚囚投塗紛如許螭坳儼豸衣宮
中三篋滿檻外一燈微此日簡章密當年封事稀曹唐
已仙去身後有光輝曹唐謂曹劏亭侍御嘗疏劾和致
齋家人倚勢僭擬至是追贈副都御史劏亭有清碧園
吟稿

姚晉堂職方丙辰廷試直發和相之姦閱者駭然置榜
未寓水月禪林有感云霜風一以勁眾葉日凋槁羈旅
惜流光方悲搖落早有僧操長竿撼樹如剝棗豈徒葉

盡脫枝條摧不少問僧意何爲苦厭落葉擾一舉空其
林免使晨夕掃郤憶長夏時中天日杲杲羣僧憩樹下
競愛清陰好有客入室游貌古語亦潭問知主僧父思
子見性真嗟彼出世者尙有骨肉親余生天地間何獨
爲鮮民松楸三千里蒲柳半百身年年感霜露荏苒秋
復春行當投劾歸結廬與墓鄰家山豈無夢醒淚徒沾
巾雅澹稱其爲人魏默深稱其居京師三十年故事部
員於其鄉人之有到部者許同鄉官具保結各有例規
謂之印結費又外任官至京於其同鄉同年世好之官
京師者各留金爲別此二者京官賴以自存習爲常公

獨一無所受取與之嚴自不可及至比之湯陸而深造
自得過之則尙待論定也其己酉選貢爲南厓相國督
學淛江所拔取集中詩如過崇效寺觀紅杏青松圖卷
云國初諸鉅公清吟諧鳳吹次讀文正詩一灑西州淚
生朝感賦有廿載憐才意師長仰考亭及東閣風流遠
西州涕淚橫之句論者謂先生生時贈公恍惚見浮屠
紫皋入室紫皋者贈公方外友也訪之已示寂而先生
卒之日辰又與紫皋同當時風氣往往墮於彼教如此
嚴樂園以嘉慶甲子十月丁李太淑人憂由漢江南歸
先是朝廷以洋匪滋擾粵東浙閩洋面焚掠瀕海州縣

粵東山寇竊發潛相勾結命陝甘總督那文毅移節廣
州肅清海氛適樂園謝定遠篆手書招佐幕府事復書
葬親事畢來粵至則就途中見聞所及論列甚詳一切
捕盜章奏檄文胥屬治辦文毅偵緝內河劇盜以斷洋
匪內應海口設立礮臺碉卡堵禦聯絡沿海居民修築
寨堡防守嚴懲姦民接濟洋匪勢漸窮蹙乙丑八月從
文毅出大虎門勦賊購綫離間洋匪黨與廣設賞格誘
降賊黨互相猜忌計擒會匪教首李崇玉招納粵洋賊
首黃正嵩等投出洋匪五千餘人分別歸農入伍戢首
聽命閩洋賊首朱瀆密請符幟約降會文毅內召不果

後閩粵大府踵行其策海洋蕩平皆文毅與樂園本謀也樂園嶺南呈繹堂總制詩戈船橫海舊登壇幕府相依尙素冠丞相舍人容魏勃將軍門客愧任安曾憐誓墓情懷切敢憚從戎道路難銅柱卽看銘越秀蒲帆會許挂湘瀾

南河自明季逮國朝破敗決裂斬文襄爲河臣而大治其持論以築隄崖疏下流塞決口有先後而無緩急數語爲綱領在事十年其子治豫彙刊其奏疏八卷張留埜靄生撰述文襄與幕友陳天一問答之語爲治河述言張齊嵇高諸公繼之安瀾順軌百有餘年至嘉慶間

復壞百丈敏嘗謂海寓承平國家閒暇借要工爲汲引
張本借帑項爲揮霍鑽營河員皆紈袴浮華工所貞花
天酒地蓋至是舊規全廢黃強淮弱豐工邵工睢工鄗
工王營減壩蘇家山陳家浦馬港口疊次漫決河身中
飽淮水南趨歲漕四百萬石待之以行顧此失彼無十
年二十年不旁決者河督陳鳳翔得罪遣戍羅山黎襄
勤世序代之修靳張之治以束水攻沙蓄清敵黃爲急
其束水也主於繕隄防海口接築長隄使水不散漫而
滌淤有力其蓄清也謹守五壩使清水長足糧艘得以
浮送而黃河隄防之守則又恃乎閘壩於是請建清河

黃河北岸減壩及徐州之虎山腰減壩以洩異漲而保長隄而黃河暴漲隄工奇險則又於埽前拋碎石以搜護之淮泗賴以無患者十餘歲其埽前拋碎也工員利歲修不樂此舉謂碎石漸趨中泓將塞水道不及四十年必當爲害襄勤曰不及四十年河流不復在此矣時爲道光元年至銅瓦廟之決凡三十五年碎石阻塞水道之說絕無其事而河流北徙言果驗襄勤以後膚施張井芥航亦其亞也芥航以長於治河破格超用不能盡行其志而始終赤心幹事規畫釐然其聞詔一首云當門非種總宜鉏水旱何堪少定居闕下屢聞哀痛詔

朝中誰止治安書功名舊薄高司諫經濟常懷陸敬輿
積歲杞憂徒一歎身家回顧計全疏芥航字儀九一號
晴槔晚自署畏堂

鄭慎親王烏爾恭額有石琴室稿蒙古王蘊樸齋能詩
畫任庫倫時以甘蔗酒遺王樸齋下世後王賦詩懷之
云平生師北苑遺跡比東丹校獵吟何壯籌邊政更寬
應知桑落薄遙寄蔗漿寒洗盞將狂酌懷人慘不歡

水煙出蘭州者佳或以他煙屑和燒春爲之味稍劣其
吸煙之器用銅下盛水處如鳧腹管上聳如鶴頭末銳
如鶴嘴下另有小孔形上仰插銅管寸餘以納煙從上

吸之則煙從水中過汨汨有聲而火性稍殺凡三四吸卽插管吹之煙燼再納如初乾隆以後始盛行於市肆間石門鍾南溪上舍洪有詠水煙壺十八韻至旱煙則前此吟詠爲多伏讀

宣宗養正書屋御製詩并序云新韶多暇獨坐小齋復值春雪初晴園林風日佳麗日惟研朱讀史外無所事倦則命僕吹煙管吸之再三頓覺心神清朗耳目怡然昔人謂酒有令德我今稱煙曰如意嘻樂則樂矣不污於流俗哉爰抒中懷戲成八韻剝木初成管鑄銅首尾分目端榮竹霧臘觀度蘭芽吐納香偏馥升沈意頗殷

凝時疑海澨。靄處出山雲。空腹輸簧奏。垂囊喻佩紛。雪
寒祛每驗。煙瘴避曾聞。故物思遼水。餘情靖楚氛。肥甘
雖戒口。遺興喜隨君。此潛邸時作也。吳仲雲尙書謂念
及楚氛。且以汚於流俗爲懼。聖人之情見乎辭也。

孫季述句梁冀初誅。四海清朱雲何事。更輕生爲北江。
成邊作也。不如吳山尊詩詔許自新。天子大奏非直
達小臣疏。山尊詩如喜蘭雪。至云天意憐吾輩。人言竟
不然。那知相見始直比。再生年會少。疑多積才難愛易。
偏賞心欲無語。秉燭認華顛。知己天涯在。悲歡本不情。
雲山殊跌宕。風雪又縱橫。樹立憂時晚。浮游望賊平。與

君皆有母未敢去來輕均極沈著

江寧侯抑菴雲錦劉寄奴墓詩寄奴織履真計窮曾指祖墓欺孔恭青烏家言有王氣遂疑符讖歸江東那知轉眼數十載此身寂寞埋蒿蓬楚元二十有一世王孫久降爲吳儂引參軍事敢殺賊下邳已足酬勳庸退還京口志興復海內正待甦疲癃熟知桓元是篡竊乃視前轍追其蹤若從兩人論優劣未知草澤誰英雄盧循饋饅在益智食之卒莫醫夢夢上公班効不足受竟從月酉占運終禪文點竄汙青史千言屢述公之功當時競誦周召德後嗣直呼田舍翁葛燈繩牀匪法物但以